



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1682. usque ad annum 1690

**Fleury, Claude**

**August. Vind. [u.a.], 1781**

**VD18 90119231**

§. 73. Ludovicus XIV. Galliarum Rex pro Imperii hoste declaratus.

---

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Sæc. XVII. nes Theologicas de lapsu Adami, de obligatione credendi in Christum, de pœnitentia Tyrionum & Sidoniorum, de Criteriis Scripturæ Sacræ, de Tri- duo mortis Christi, de literis Eliæ ad Joramum Regem, & Lutherum vindicatum. VI. Lucas Reinhart edidit Synopsin Theologiæ dogmaticæ, Monita Evangelica, Arma victricia primitivæ Ecclesiæ, Augustiniano - Augusti- nam Confessionem, Juris Canonici gem- mulas, compendium Theologiæ Epi- stolico - Evangelicæ, & S. Cæcili, Cy- priani aliorumque epistolas. VII. Ja- cobus Bircherodius scripsit librum Pro- phetæ Jonæ illustratum, Obadiam exe- getice expositum, & tractatum de ho- ris. VIII. David Klug elucubravît speculum mortalitatis, ideam Bibli- cam, & harmoniam Evangelistarum.

## §. LXXIII.

*Ludovicus XIV. Galliarum Rex pro Imperii hoste declaratus.*

*Carol. mem. lib. 9. Theatr. Eu- rop. t. 13. pag. 655. Approb. Cæs. S. C. Ratisb.* **D**um in dissitis Provinciis cuncta ex- teris, domesticisque motibus tur- barentur, Imperii Principes, Ratisbo- næ in comitiis congregati Fürstenber- gium Cardinalem & Ludovicum XIV. Galliarum Regem, utpote datæ fidei immemorem, Turcasque in Christia- nos

nos identidem concitantem pro com- Sæc. XVII.  
munibus Imperii hostibus declarandos, A. C. 1689.  
*junctisque armis opprimendos esse, die*  
*vigesima quarta Januarii censuerunt:*  
*edito die quarta Martii decreto, cujus*  
*præcipuus articulus ita conceptus erat.*  
*Merito existimatum est primo jam loco,*  
*Regem Gallicæ injustissima in Imperium im-*  
*pressionem, & omnigenis crudelitatis Chri-*  
*stiano nomine indignæ generibus, horren-*  
*dum in modum exercitis, semetipsum Im-*  
*perii hostem professum, proque tali haben-*  
*dum, & conceptis verbis declarandum esse,*  
*ita & ipsa Sacra Cæsarea Majestas Cle-*  
*mentissime in id consentit eo promptius, quo*  
*certius præterea constat, Regem illum, non*  
*solum a multis retro annis rebelles Hunga-*  
*ros pecuniis, variisque aliis adminiculis fo-*  
*visse, sed & juratum Christiani nominis*  
*hostem in Cæsaream Majestatem, Impe-*  
*riumque concitasse, quin & novissimis ex*  
*Turcia literis per hos ipsos dies allatis,*  
*certis indubitatisque testibus, Aulæ Otto-*  
*manicæ fædus de armis communiter inferen-*  
*dis offerre, data fide, cæptum in commo-*  
*dum illius, sublevationemque bellum, jun-*  
*ctis cum ea viribus sese prosecuturum, nec*  
*sine ea pacem unquam facturum, adeoque*  
*jure meritum esse, qui nunc haud secus, ac*  
*anno superioris sæculi quadragesimo quarto*  
*Spiræ unanimi Imperii consensu factum,*  
*pro publico non solum Imperii, sed totius*

Sæc. XVII *Orbis Christiani hoste, non minus, quam*  
 A. C. 1689. *Turca ipse habeatur, declareturque &c.*

Hoc idem Principum Germanorum judicium Imperator, Imperiique Ordines die quarta Martii publico decreto confirmarunt, necnon ad Italiæ Principes, ac Imperii subditos die nona Aprilis has dedere literas:

„Nos Leopoldus &c. Notum, ex  
 „ploratumque dilectionibus Vestris, &  
 „Vobis esse volumus, quod, cum Co-  
 „rona Gallix jam dudum sanciti Anno  
 „1684. in universalibus Imperii Comi-  
 „tiis, Nos inter & Imperium ex una,  
 „& illam ex altera parte, Armistitii  
 „Vicennalis leges, non tantum multi-  
 „fariam transgressa sit, & contra diser-  
 „tum, tam earumdem, quam Pacis  
 „Westphalicæ ac Neomagenlis tenorem,  
 „varia in Imperio loca, & proventus  
 „usurparit, pontes in ripa Rheni non  
 „sua extruxerit, munimenta in terris  
 „Imperii erexerit, sylvas exciderit,  
 „multisque aliis modis S. R. J. Status,  
 „ac subditos afflixerit, sed tandem e-  
 „tiam patientiæ nostræ impatiens, vel  
 „nostrorum contra Turcas progressuum  
 „invidia, vel inexplebili proferendorum  
 „limitum suorum cupidine agitata, to-  
 „ties a se datæ, ac paulo ante renovatæ  
 „fidei immemor, conculcato omni di-  
 „vino, Ecclesiastico, & gentium jure,

„eo

„eo ipso tempore, quo nostri, & plu- Sæc. XVII.  
 „rium Imperii Statuum exercitus, con- A. C. 1689.  
 „ventionum publicarum, verbique Re-  
 „gii sanctimonia freti, ad Albam Græ-  
 „cam pro Dei gloria contra infideles  
 „decertabant, Nos & Imperium nil  
 „minus suspicantes, quasi ex insidiis,  
 „nullaque denuntiatione prævia, in-  
 „festis armis aggressa sit, Philippibur-  
 „gum, pactorum fiducia, necessario  
 „præsidio denudatum summa vi ex-  
 „pugnarit, Palatinatum, Franconiam,  
 „Sueviam, aliasque ad Rhenum ditio-  
 „nes invaserit, immisso in agrum, &  
 „Archiepiscopatum Coloniensem milite,  
 „Nobis, & S. R. Imperio Cordinalem  
 „Fürstenbergium, contra legitimam,  
 „ac ab ipso summo Pontifice rite con-  
 „firmatam Principis Josephi Clementis ex  
 „Bavariæ Ducibus Electionem, pro  
 „Archiepiscopo, & Electore Coloniensi  
 „obtrudere tentarit, Moguntiam, Wor-  
 „matiam, Spiram, Nematum, Heil-  
 „bronnam, Heidelbergam, Francken-  
 „daliū, Manhemium, aliasque Ro-  
 „mano Imperio mediate, seu immediate  
 „subjectas urbes, ac arces tum vi,  
 „tum deditioe, certis legibus, in suam  
 „potestatem redegerit, & nec ipsis Ju-  
 „stitiæ Sacris parcendo, supremum Im-  
 „perii Tribunal, quod in dicta urbe  
 „Spirensi, intra atrocissima Superiorum  
 „bello-

Qq 4

Sæc. XVII. „belloꝝ incendia semper intactum  
A. C. 1689. „manserat, transportatis inde in Gal-  
 „liam Scripturis, atque documentis  
 „ad totum R. I. pertinentibus, evertē-  
 „rit, ac dissiparit, pauperumque, &  
 „pupillorum, ibi depositas ac asserva-  
 „tas pecunias, sibi nefarie vindicavit,  
 „contributiones passim immensas extor-  
 „serit, imo integras urbēs, oppida,  
 „ditionesque, quantumvis tributa im-  
 „perata exsolverint, contra datam, ac  
 „ipsius Delphini manu roboratam fi-  
 „dem expilatas, partim immissis ope-  
 „rariis tanta rabie, ut nec lapis supra  
 „lapidem maneret, ab imis sedibus  
 „diruerit, nec ab ipsis templorum te-  
 „ctis, Principumque antiquissimis pa-  
 „latiis impias abstinendo manus, solo  
 „æquarit, nonnullis in locis robustio-  
 „res subditos, barbarorum more, in  
 „servitutem, seu ad portanda in Gal-  
 „liis arma violenter abegerit, alios  
 „frumentis, quæ post tantas exactio-  
 „nes reliqua erant, multatos, propriis  
 „agris jam consitis, aratrum inducere  
 „coegerit, omnique in posterum agri-  
 „cultura, sub pœna fisci severissime in-  
 „terdixerit: denique passim quousque  
 „belluina militum suorum inhumanitas  
 „pertingere potuit, cæde, ferro, flam-  
 „mis, rapinis, aliisque inter barbaros  
 „notis, ipsamque Tartarorum & Tur-  
 „carum

„carum Crudelitatem, ac malitiam  
 „excedentibus irarum, sævitix, ava- Sæc. XVII.  
A. C. 1689.  
 „ritix, libidinisque exemplis horrende  
 „impleverit, ac etiamnum implere, &  
 „insuper juratos S. Crucis hostes in ul-  
 „timam Christiani Orbis perniciem sti-  
 „mulare, & ad Societatem armorum  
 „arctiore secum nexu stringendam solli-  
 „citare pergat.,

„Nos cum S. R. J. Electoribus, Prin-  
 „cipibus ac statibus de defendenda, &  
 „a præsentissimo interitu vindicanda  
 „charissimæ Patriæ libertate delibera-  
 „tionem instituerimus, & ab iisdem  
 „rogati simus, ut non tantum decreto,  
 „ac per totum Imperium R. publicato  
 „universali, justissimoque bello, pro  
 „munere Cæsareo una secum tam im-  
 „manes injurias propulsare, & Im-  
 „perii Salutem ac libertatem omnibus  
 „viribus asserere contendamus, sed e-  
 „tiam eos, qui prædictam Coronam  
 „milite, equis, armis, commeatu,  
 „pecunia aut aliis quibuscunque mediis  
 „juverint, pro communibus totius Impe-  
 „rii hostibus habeamus. Et speciatim no-  
 „stris, atque S. R. J. per Italiam Vasal-  
 „lis, ne memoratæ Coronæ ullo modo  
 „adsint, ejusdemque execrabiles cona-  
 „tus directe vel indirecte promoveant,  
 „severe, & sub pœna amissionis feu-  
 „dorum, aliorumque a nobis, & Im-  
 „perio

Qq 5

Sæc. XVII. „perio in ipsos profectorum benefi-  
 A. C. 1689. „ciorum serio interdicimus, &c. Hinc  
 „est, quod de Cæsareæ nostræ Pote-  
 „statis plenitudine, dilectiones Vestras,  
 „& Vos, benigne juxta serioque mo-  
 „nemus. ac sub indignatione gravissi-  
 „ma, & pœna amittendorum feudo-  
 „rum, & quorumcunque a Nobis, ac  
 „Imperio concessorum privilegiorum,  
 „jurium, gratiarumque districte inhi-  
 „bendo mandamus, ne quis Vestrum  
 „ullam amplius operam dictæ Coronæ  
 „Gallicæ, aut ejusdem colligatis, &  
 „adhærentibus navet, neque auxilia  
 „ulla submittat, sed submissa revocet,  
 „stipendiis renunciât, &c., „

## §. LXXIV.

*Varicæ urbes Turcis a Cæsareis copiis  
 ereptæ.*

*Calmet Hist. de Lorrain. t. 3. l. 46. Mem. Hist. & Chronol.* Ineunte anno hujus sæculi octogesimo nono Leopoldus Imperator cum novo Anglorum Rege, Brandenburgico & Saxonæ Electoribus, Batavisque foedus inivit, ejusque jussu Ludovicus Badensis Marchio Sigethum inferioris Hungariæ munitissimum oppidum cinxit, illudque diuturna obsidione atque inedia pressum subegit: in Servia vero Turcas ad Moravam ingenti clade affecit, continuatoque victoriarum cursu Barbaros, dum